

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة الأمر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - **المحدث :** الألباني - **المصدر :** صحيح الترغيب - خلاصة حكم المحدث : صحيح

على بركة الله ،، شريط 1-06respiration

ربنا ييسر ويتفرغ ،، الساعة الحادية عشر مساءً ،، يوم السبت 6 أبريل 2013

خلي بالك معايا ،، في صفحة 26 و 27 الديجرام عندي

شبه بعض جداً ،، أنا هشرح 26 ،،

27 عكسه تماماً

يعني الي هيفتح غلط على صفحة 27 هيلاقى إن أنا بقول كل حاجة بالمقلوب

إنتوا عارفين ،، إن فيه واحد ظبطته في الحصة الي فاتت ،،

أنا قاعد عمال أشرح في صفحة 26 ،،

وخلي بالك 27 دي عكسها تماماً يعني اتجاه الأسهم مختلفة تماماً

وهو فاتح على 27 وماسك بقلمه الجاف ،،

أقول إن السهم ده رايع يمين ،، يشطب ويعمله

لحقته في آخر سطر في الورقة

بعد ما بوظ الورقة تماماً

إحنا هنتكلم دلوقتي على 26 إن شاء الله

Chloride shift phenomena >> Tissue

سؤال نظري مهم ،، حصة النهاردا فيها كم معلومات حلو إن شاء الله

يجيلك في الإمتحان ،، اشرح عملية ال gas exchange at tissue

كل الي قاعدين تأكدوا ،، إن العنوان جاي قصادهم at tissue

برزو لو سمحت كلمة at tissue

أهم كلمة في عنوان السؤال ،، عشان الصفحة الي بعديها هتكون عكسها تماماً (عند ال Lung)

في الصفحة 26 في المذكرة بتاعت دكتور ناجي ،، بيشرح عند ال tissue

السؤال ده ليه صيغة أخرى ،،

VISIT...

LANZAROTE
Caliente.COM

يجيلك سؤال في الإمتحان اشرح ال chloride shift phenomena
ظاهرة تحرك الكلور ، at tissue

كلمة السر في هذا العنوان at tissue
السؤال ده ليه صيغة ثالثة ، هملها بعد شوية إن شاء الله
وهنحطها مع بعض إن شاء الله

السؤال ده لما يجي في الإمتحان
الإجابة هي الرسمه اللي قصادك ، بالكلمتين اللي تحتها ، ثم الجدول
الرسمه دي مش بتاعتنا إحنا الحقيقة ،

كل الدنيا لما بتشرح إجابة السؤال ، بتحط الرسمه دي
كتاب الكلية نفسه حاطط رسمه ، بس يمكن خطها صغير شوية ، وشكلها مختلف شوية

الإجابة هي رسمه ☺
فأنا هرسم معاك الرسمه ، ليا رجاء
كل حاجة بقولها لك وسعادتك بتشوف الخطوة اللي أنا بحطها في الرسم ،
تأكد إنها موجودة قصادكم في الديجرام

لو تخيلنا إن ده ال tissue
ال blood اللي جاي ليه عبارة عن Red blood cells
(أدي واحدة من كرات الدم الحمراء) مرسومة كبيرة ، في الديجرام عندكم
وبلازما
الدم عبارة عن RBCs و plasma

خلي بالك ،
عنوان السؤال كله بيدور عملية ال gas exchange عند ال tissues
إحنا بنحكي ماذا سيحدث عند ال tissue
إزاي بيحصل تبادل الغازات هناك !!

تعالوا نبتدي الموضوع بطريقة طفولية جداً
كلام أطفال بقا ،

إحنا طول عمرنا عارفين إن الدم بيروح لل tissues بيديه oxygen
أدي يا عم ال oxygen دخل جوا ال tissues

وال tissues بترمي للدم إيه ؟؟؟

CO₂
بيقا ثاني أوكسيد الكربون بيتحرك كده < من ال tissues لل blood
دا كلام ابتدائي وإعدادي

الدم رايح لل tissues ، يديه oxygen

ويأخذ منه ثاني أكسيد الكربون

طيب ،

تعالوا نزود على الكلام بتاع الأطفال شوية ،
ونفتكر مع بعض أرقام الضغوط ونحطها

ضغوط الأوكسجين ؟؟؟

40 ، 100

مين فيهم ال arterial ؟؟؟

100

يبقا ضغط الأوكسجين في الدم اللي جاي ، 100

40 ، ده ضغط الأوكسجين venous

وأرقام ال venous هي بتاعت ال tissue

يبقا ضغط الأوكسجين في ال tissue < 40

أه ، عشان كده الأوكسجين دخل جوا ال tissue

ضغطه في الدم مية ، ضغطه جوا ال tissue أربعين
من الضغط العالي إلى الضغط الأقل

فهمت ليه الأوكسجين دخل ؟؟؟ تمام إن شاء الله

طيب ،

خلينا على ثاني أكسيد الكربون ، CO_2

ضغوطه كانت كام ؟؟

40 ، 46

ال arterial كام ؟؟

40

يبقا ضغط ال CO_2 في ال arterial blood اللي جي لل tissue < 40

46 ، كان ال venous

وال venous هو ال tissue

يبقا ضغط ال CO_2 في ال tissue < 46

عشان كده ال CO_2 بيخرج من ال tissue في اتجاه الدم

فيه حاجة صعبة كده يا أولاد دلوقتي ؟؟

إن شاء الله لا

دا كلام متوقع وإحنا وصلنا للأرقام دي قبل كده مع بعض

طبيب «

الحصة التي فاتت أنا علمتكم «، ال CO_2 التي يرميه ال tissue على ال blood

كان التي هو إيه ؟؟؟

Tidal CO_2

ال CO_2 التي كان يرميه ال tissue لل blood

سمينه tidal CO_2

حتى حفظنا الرقم «

كان كل 100 سم دم رايعين ال tissue «

ال tissue يرمي عليهم 4 ملي CO_2

هما دول ال tidal CO_2

يبقا ال tissue يرمي على كل 100 سم دم جاي ليه

4 ملي CO_2

أجيب من الآخر «

إنت عارف الورقة دي كلها عبارة عن إيه ؟؟؟

إحنا هنحكي مع بعض «، إزاي ال tissue رمى 4 ملي CO_2 على الدم «، من غير ما ال PH بتاعت الدم تتغير

هو ده هدف الورقة التي هنشرحها مع بعض إن شاء الله

إزاي ال 4 ملي CO_2 دول اترموا على ال blood

من غير ما ال PH بتاعت ال blood تتغير

فهمتوا إيه هدف الورقة !!!

عشان كده «

تعالوا أقولكم الصيغة الصعبة للسؤال التي إحنا هنشرحه إن شاء الله

يجيلك سؤال في الإمتحان «

يلا نكتبه مع بعض الصيغة في الورقة من فوق

إشرح ال buffering of tidal CO_2

ارخم صيغة للسؤال

Buffering of tidal CO_2

كلمة buffer «، يعني ال PH مبتتغيرش

بيقولك يعني : اشرحنا إزاي ال PH مبتتغيرش برغم ال tidal CO_2

أرخم صيغة

والله بيصعب عليا التي يجيب الصيغة الرخمة دي في الإمتحان

يجي السؤال كده في التحريري «

إشرح ال buffering of tidal CO_2

أقابل واحد بقا ،، أقوله : **حليت السؤال ده ؟؟؟**

يقولي : **معرفتوش ،، هو كان عايز إيه في السؤال ده ؟؟؟!!**

أقوله : **هو إنت مذاكر chloride shift phenomena ؟؟**

يقولي : **أيوة حافظها صم**

ما هي دي الإجابة ،،

يعني تخيل نفسك حد في الإمتحان بس يقولك هي ال chloride shift phenomena

عشان كده مهم ،، لما تيجوا تذاكروا مش تصم الإجابة كويس

ركز في العنوان كويس ،،

خد دقيقتين ثلاثة مع نفسك ،،

السؤال بثلاث طرق :

- tissue gas exchange عند ال
- chloride shift phenomena عند ال tissue
- buffering of tidal CO₂

طيب ،،

تعالوا بقا يا أولاد أحكيلكم إزاي ال 4 ملي CO₂ اترموا على ال blood من غير ما ال PH تتغير

ال CO₂ ده lipid soluble

ال membrane بتاع كرة الدم الحمراء دا دهن

وال CO₂ بيدوب في الدهن

الدهن يعدي في الدهن اللي زيه ،،

ال CO₂ يروح داخل جوا الكرة الحمراء

أدي إحنا فهمنا ليه ال CO₂ دخل

هو lipid soluble ،،

وال Membrane بتاع أي خلية دهن

الدهن يعدي في الدهن اللي زيه

ال CO₂ دخل جوا كرة الدم الحمراء

كل خطوة بنشوفها ،، إتأكد إنها مرسومة في الديجرام

المهم عشان تتابع الرسمة ماشية إزاي

طيب ،،

ال CO₂ اللي دخل جوا كرة الدم الحمراء ،، هياخد سكتين يمشي فيهم :

السكة الأولى إن واحد ملي من الأربعة

واحد ملي من ال CO₂ هنعادله بالهيموجلوبين بتاع كرة الدم الحمراء (RBCs)

إنت عندك الكرة الحمراء ،،

كان الهيموجلوبين بتاعها شايل أوكسجين ،
لما كانت رايحة لل tissue

طيب ،

الأوكسجين خرج على بره ،، عشان يروح لل tissue
بقا الهيموجلوبين لوحده دلوقتي جوا الكرة فاضي (عشان رمى الأوكسجين بتاعه على بره)

سألنا الهيموجلوبين

هو إنت فاضي ???

قال : أه 😊

قولنا له : طب ما تيجي ☺

خدنا سهم كده لفوق ،، جرناه معانا عشان ملي CO_2 يتحد مع الهيموجلوبين
ويعمل مركب اسمه carb amino
وده مركب متعادل مش هيغير ال PH

بيقا الهيموجلوبين يا أولاد كتر خيره

حل لنا ربع المشكلة

ال CO_2 tidal كلهم اللي إنت قلقان منهم كام ملي ???

4 ملي

هو عادللك كام ملي منهم ???

1 ملي

يا ريت كلنا نكتب فوق 1 ملي < 25 %

الهيموجلوبين كتر خيره ،، حل لنا ربع المشكلة

عملنا مركب متعادل اسمه carb amino

وقدما له جزيل الشكر ،، متشكرين يا هيموجلوبين

عملت اللي عليك وزيادة

أدي يا أولاد ملي من الأربعة ملي عملنا بيه مركب متعادل مع الهيموجلوبين اسمه carb amino

بيقا الهيموجلوبين حل ليك كام في المية من المشكلة ???

25 %

طيب ،

تعالوا بينا السكة الثانية

ال CO_2 جوا كرة الدم الحمراء (RBCs)

هياخد كمان سكة من أربع خطوات بقا

ال CO_2 جوا الكرة ،، بيتفاعل مع المية اللي جوا الكرة ،، في وجود إنزيم مهم أووووي

اسمه carbonic anhydrase

ويتكون عندنا carbonic acid

أول خطوة من الأربعة (دا في السكة الثانية)
 CO_2 ال يتفاعل مع المية اللي جوا الكرة في وجود ال carbonic anhydrase
 ويكون ال carbonic acid

يا نهار تبييييييت
 في بيتنا acid
 !!!! acid
 ما هو كده ال PH هتنزل نزلة جامدة ،، دا حمض قوي أوووي
 ال PH توطى جامد وممكن مَوْت

دي كارثة ☹ acid !! في بيتنا Acid بقولك !!!
 دي كارثة ☹

أنا علمتكم زمان ،،
 أحلى حاجة تعادل الحمض ،، البوتاسيوم
 البوتاسيوم بيبقا شابك مع الهيموجلوبين جوا الكرة الحمراء
 عامل حاجة اسمها potassium hemoglobinate

طيب ،،
 أخذ البوتاسيوم إزاي وهو شابك مع الهيموجلوبين ؟؟؟!! أنا عايز أعادل بيه ال carbonic acid
 زمان كانوا يقولونا في كتاب الكيمياء بتاع أولى ثانوي رحمه الله
 كانوا بيقولوا جمل

نقولها بالعربي :
 بس الجملة من قوتها مبتتنشيش
 كان يقولنا إيه كتاب الكيمياء بتاع أولى ثانوي ؟؟؟
 كان يقولنا : الحمض القوي يقدر ينتزع القاعدة من الحمض الضعيف

شايف التعبير ،، ينتزع ،، يعني يأخذها غصب عنه ☹
 الحمض القوي (strong acid)
 الحمض الضعيف (ال weak acid)


إنت عندك هنا ال carbonic acid ($\text{H}_2 \text{CO}_3$)
 ده حمض قوي ،،

وعندك الهيموجلوبين ،،
 ده حمض ضعيف
 في الكيمياء اسمه hemoglobinic acid
 دا ضعيف

الحمض القوي يقدر ينتزع القاعدة من الحمض الضعيف

يأخذها غصب عنه

مين الحمض القوي عندك ؟؟؟



والحمض الضعيف ؟؟؟

hemoglobin acid

ده الهيموجلوبين

شوف بقا اللي هيجصل ،،

ال Carbonic acid اللي اتكون في أول خطوة ،، هياخذ البوتاسيوم ويعمل معاه potassium bicarbonate

هتقولي : بس كده فيه هيدروجينه زيادة فوق ،، مش إنت $\text{H}_2 \text{CO}_3$

لما اتحدث مع ال K (البوتاسيوم)

عملت K HCO_3

فاضلك H

بص ال H دي هعمل فيها إيه ؟؟؟

هرميها تتشال على الهيموجلوبين

اتأكد إن اتجاه الأسهم كده عندك في الديجرام

إن البوتاسيوم أخذناه نعاادل بيه ال $\text{H}_2 \text{CO}_3$

وبدل البوتاسيوم ،، رمينا هيدروجين ناحية الهيموجلوبين

الحمد لله ☺ كده هنتنفس الصعداء

الحمد لله رب العالمين

كده إحنا عملنا مركب متعادل جوا كرة الدم الحمراء

الي هو ال bicarbonate

potassium bicarbonate

الحمد لله رب العالمين

أيوه ،،

بس الوقت مش في صالحنا

إزاي ؟؟؟

إنت عارف لو ال tissue اشتغل جامد ،، مش هيرمي 4 ملي CO_2

الأربعة دول during rest

ممكن ال tissue يرمي على الدم 5 و 6 و 7 ملي CO_2

عارف في الحالة دي إيه الي هيجصل ؟؟؟

ال CO_2 الي داخل ممكن يستهلك كل البوتاسيوم الي جوا الكرة

ونرجع تاني لنفس المشكلة ،،

البوتاسيوم بيخلص ☹ بنستخدمه كله

طبيب «

وإيه الحل ؟؟؟

تعال ليا في الخطوة الثالثة «

إحنا عندنا ال Plasma بره « مليانة ion اسمه صوديوم

حتة base محترمة « في البلازما

اسمها صوديوم

البلازما بتاعتنا بتموج بالصوديوم

مليانة صوديوم بره

الي هي 150 ولا حاجة milli equivalent

دا رقم مهول «

تقوم تشوف الي بيحصل «

ال bicarbonate بتبدي تخرج على بره ناحية البلازما «

وتشبك مع الصوديوم وتعمل المركب المتعادل الصوديوم بيكربونات Na HCO_3

السؤال دائماً «

وإيه الي يخلي ال bicarbonate تخرج ؟؟؟

فرق التركيز

concentration gradient ال

ال bicarbonate تركيزها جوا الكرة « أعلى من بره

فابتدت تخرج «

يبقا خرجت بأنهي gradient ؟؟؟

concentration gradient ال

لو قعدت فكرت شوية في الرسمة دي «

مممكن تقولي : ما كدا كهربية الدم هتتغير « إنت عمال ترمي bicarbonate (الي هو Negative) على بره

عشان كهربية الدم يا أولاد متتلخبطش

قصاد كل أيون bicarbonate يخرج

قصاده أيون كلوريد هيخش جوا الكرة الحمراء

ion for ion

قصاد كل أيون bicarbonate بنميه على بره << بنعاده بالصوديوم

قصاده أيون chloride بيخش

ion for ion

يعني واحد يطلق bicarbonate «

قصاده واحد chloride يخش

واحد يسأل : هو الكلوريد ده إيه الي دخله ؟؟ طب إحنا عرفنا إن ال bicarbonate خرجت بال concentration gradient ؟؟؟

تعال أقولك إيه اللي بيحصل للكلور
 إنت عارف لما ترمي ال bicarbonate ال Negative على بره ،
 تخيل رميت ال Negative اللي جوا الخلية بره
 مين الشحنات تظهر ليك جوا الخلية ؟؟؟ إنت رميت ال negative charges ، يفضل مين جوا أكثر ؟؟
 ال positive

تفتكر لو إنت مكان أيون الكلور ال negative
 ion negative ، هل تتجه للمكان اللي فيه شحنات positive ولا negative أكثر ؟؟
 positive

عشان كده لو قرأت في الديجرام
 يقولك : الكلور دخل بال electrical gradient

electrical gradient
 معناها ، إن الأيون ال negative
 يروح ناحية ال area اللي فيها ال Positive أكثر ، والعكس صحيح
 ده معنى electrical gradient

شوفوا يا أولاد ،
 لولا إن ال chloride تفضل مشكوراً وقبل إنه يخش جوا كرة الدم الحمراء
 كنا فقدنا فرصة ذهبية لمعادلة ال bicarbonate
 مكناش نعرف نخرج ال bicarbonate ونعادلّه بالصوديوم

العلماء تقديرًا لدور الكلور في القصة
 سمو العملية كلها باسمه
 انظروا كيف تحرك ال chloride
 Chloride shift phenomena
 ظاهرة تحرك الكلور

كمان مرة الأربع خطوات ،
 عشان إحنا معندناش فرصة إننا نعيد كل الرسمة
 نأخذها كده بسرعة واتعلم كده

ال CO₂ اللي داخل جوا كرة الدم الحمراء ، مشي في سكتين :
 • 1 ملي خلصنا منه عن طريق إننا عادلناه بالهيموجلوبين ، عملنا مركب متعادل اسمه carb amino
 يبقى كده كام في المية من المشكلة اتحلت ؟؟؟
 25 %

• ال CO₂ عنده سكة تانية جوا ال RBCs
 من أربع خطوات ،

- ✓ ال CO_2 جوا الكرة مع المية في وجود انزيم اسمه carbonic anhydrase << يطلق carbonic acid (H_2CO_3)
دا خطر ، عايزين نعالده
- ✓ فيه عندنا بوتاسيوم شابك في الهيموجلوبين ، نأخده من الهيموجلوبين ، ونعمل مركب متعادل جوا الكرة اسمه potassium bicarbonate ، بس قصاد البوتاسيوم اللي هتأخدها ، فيه هيدروجين نتجت ، نرميها ناحية الهيموجلوبين
- ✓ الدم بره (اللي هي ال Plasma) مليانة أيون الصوديوم ، إيه رأيك لما نخرج bicarbonate على بره ، ونعالده بالصوديوم بره ، نعمل sodium bicarbonate
اللي بيخرج ال bicarbonate هنا ال concentration gradient
بيجيوا الكلام ده في ال M.C.Q. نوع ال gradient
- ✓ عشان كهرة الدم متتلخبطش ، قصاد كل أيون bicarbonate يخرج أيون كلور هيدخل

الكلور لو مكنش دخل ، مكناش عرفنا نخرج ال bicarbonate
وأقولك حاجة ،
كنا فقدنا أهم سكة لمعادلة البيكربونات
خصوصاً زي ما قولتلكم ، 70 % من البيكربونات في دمنا sodium bicarbonate (Na HCO_3)
بينما
البوتاسيوم بيكربونات << 30 % في دمنا

حد فاكر الحصة اللي فاتت
لما قولت : مين أهم صورة ، أكثر صورة ، أمن صورة موجود ال CO_2 في دمك ؟؟؟
هي صورة ال bicarbonate

معظم ال bicarbonate مش جوا الكرة الحمراء
دا براها
الأرقام دي مهمة ،
70 % من ال bicarbonate عندك ، اسمها sodium bicarbonate في البلازما
30 % من ال bicarbonate عندك ، potassium bicarbonate جوا الكرة

الحته اللي هقولها دي يا أولاد ، مش موجودة في الكتاب ،
بس أنا أحب دائماً أعلق بيها مع الناس ،
الحصة اللي فاتت أنا قولتكم : ال 4 ملي Tidal CO_2
فاكر ،

اتوزعوا << 1 ملي عملناه carb amino
و 2.6 ملي عملناهم bicarbonate

كام في المية sodium bicarbonate ؟؟؟
70 %

وكام في المية potassium bicarbonate ؟؟؟
30 %

كانت الصورة الذائبة (physical) كانت أد إيه المرة اللي فاتت ؟؟؟ 0.4 ملي

كانت دي أخطر صورة ،،

فاكرين ليه الصورة دي كانت خطر ؟؟ كان بيطلع مين منها في الآخر ؟؟؟

hydrogen ال

الجماعة اللي ناسيين ،،

أخطر صورة لل CO₂ في دمك ،، ال CO₂ اللي ذائب

لأن اللي ذائب ده في الآخر لو اتساب (تترك) هيطلع hydrogen قنبلة موقوتة ،،

طالما ،، قعدت أسأل نفسي سؤال ،،

الكلام ده مش في الكتب ،،

ربنا دلوقتي يا أولاد في قصة ال chloride shift phenomena

حل المشكلة بنسبة 90 %

1 ملي عملناه carb amino

و 2.6 ملي عملناهم bicarbonate

حلينا مشكلة 1 + 2.6 يعني 3.6 ملي من ال 4 ملي tidal CO₂

فيه لسه 0.4 ملي ذائبين ،،

لسه 10 % من المشكلة متحللتش

دايمًا كنت أفكر ،،

طيب ما ربنا كان يقدر يحل المشكلة 100 % مفيش شك في كده

ليه ربنا سمح إن 0.4 يفضلوا ذائبين (Physical)

إيه قيمتها دي لينا ؟؟؟؟

الكلام ده محدش هيسألك فيه ،،

بس أنا عايز أفهمك إيه قيمتها

ليه ال 0.4 ملي ال tidal CO₂ ،، اتسابوا ويطلعوا هيدروجين ؟؟؟ ليه ربنا عمل كده ؟؟؟

أفهمك لسببين :

• أولاً الذائب ده ،، طول عمري بقولكم : مسؤول عن ال tension

إنت عارف لو مفيش حبة ذابوا من ال tidal

مكنش ال CO₂ علي في ال venous blood وبقا 46

ما هما اللي ذابوا دول ،، هما اللي رفعوا الضغط بتاع ال CO₂ بدل أربعين arterial

بقوا 46 << venous

venous << 46

دي مهمة أووي يا أولاد عند ال Lung

عشان ال CO₂ يعرف يتحرك من الدم لجوا ال alveoli

وتطرده مع النفس

يبقا أول فائدة للي ذابوا دول ،، وليه ربنا سمح بيهم
عشان نعلو ال CO_2 tension شوية في ال venous blood
أقوم أعرف أطرده ال CO_2 لل alveoli وتخرج مع النفس

• فائدة ثانية غابت عنكم ،،
ال CO_2 لما يذوب ،، يطلع Hydrogen
إنت نسيت إن الهيدروجين من ضمن الحاجات اللي بتخلي الهيموجلوبين يكره الأوكسجين بتاعه
فاكر أسباب ال shift to the right
كان أربع حاجات تخلي الهيموجلوبين يسيبه لل tissue
فاكرهم ،، كانوا مين ؟؟ قولهم بالترتيب لو سمحت ؟؟؟
ال CO_2 لو زاد ،، ال temperature ،، الهيدروجين ،، وال 2,3 Di phospho glycerate

كون ربنا يسمح بشوية يذوبوا
يبقا هيطلع من التفاعل ده هيدروجين ،، دا كلام مهم
عشان الهيموجلوبين يعرف يسيب أوكسجين لل tissue
الكلام ده مش في الكتب ،،
ليه ربنا محلش المشكلة 100 %
نفسى الطلبة تبقا فاهمة

نكمل السؤال بقا ،،
يبقا إحنا اتفقنا ،، مين بيخرج من الكرة ؟؟؟
ال bicarbonate
مين بيدخل قصاده ؟؟
ال chloride
بأنهي gradient ؟؟؟
electrical gradient

يا ترى القصة دي هتقف إمتى يعني ؟؟ ال bicarbonate عمال يخرج ،، والكلور عمال يخش ،، هتوقف إمتى القصة دي ؟؟؟
مكتوب عندكم معادلة ،، اسمها الدون equilibrium (تقريباً الإسم زي ما سمعتها)
المعادلة دي يا أولاد لو عايزين نشرح جت إزاي
تأخذ مننا من نص إلى 3/4 ساعة
دي مطلوبة من طلبة الماجستير والدكتوراة عندنا في الفسيولوجي نقعد نشرحها لهم

إنتوا مش مطلوب منكم ،،
فمتقعدوش توجعوا دماغكم بيها

إنتوا تعرفوا المعادلة كده ،،
إمتى القصة بتوقف ؟؟؟
لما بنوصل للإتزان

بص على المعادلة عشان فيه حاجة عايز أنبهك ليها

المعادلة بتقول :

(تركيز الكلور في البلازما) على (تركيزه في ال RBCs) = (تركيز ال bicarbonate في ال RBCs) على (تركيزه في البلازما)
ملاحظ إن المعادلة معكوسة الناحية الثانية
دي أهم نقطة عايزين نشوفها وإحنا بنصح

فيه جدول ،،

هسألكم عن ست حاجات ،، جوا الإجابة
كل حاجة هسألكم عليها تقولولي زادت في مين وقلت في مين
عندك RBCs و عندك بلازما

الست حاجات الي في الجدول ،،
إحتمال تغلط في واحدة ،، لكن الخمسة التانيين إن شاء الله مش هتغلط فيهم أبداً
أنا هسأل وهنشوف إيه رأيك ،،
وبعد كده ابقى بص على الجدول براحتك بعد كل حاجة أقولها
الطالب المنتبه يركز عشان هيجيب خمسة من الستة مستريح

أول حاجة ال bicarbonate

إنت شايف الرسمة ،، زادت في مين وقلت في مين ؟؟؟؟

زادت في البلازما وقلت في ال RBCs

كمان مرة ال bicarbonate زادت في مين وقلت في مين ؟؟؟

زادت في البلازما

وقلت في ال RBCs

أشهر خطأ فيك يا chloride shift phenomena

بص كده على الجدول ،،

زادت في الأتئين

هي دي الوحيدة الي ممكن الطالب يغلط فيها
بس إنتوا مش هتغلطوا إن شاء الله

الطالب مش مصدق ،،

زادت في الأتئين إزاي !!!

يا بابا ،، افترض إن أنا واحد شحات مَعْدَم ،، ممعيش ولا مليم
واحد منكم قلبه طيب ،، عطف عليا واداني 100 جنيه

أنا قابلت واحد شحات صاحبي ،،

(ما أنا شحات ،، أكيد صاحبي شحات زيي ،، مش هصاحب وزراء يعني ☹)
روح مديله 70 جنيه من الي معايا

يعني أنا من الأول كنت zero

وإنت اديتني 100 جنيه

أنا قابلت شحات صاحبي ،، فروحت مديله 70 جنيه من ال 100 جنيه

هل أجي آخر اليوم أقول أنا خسرت ؟؟؟!!!

خسرت إيه !!! دا أنا كسبت في الآخر 30 جنيه
هو أنا كان معايا حاجة أصلاً الصبح !!!

بنفس الطريقة ،،

أنا شايف ال bicarbonate ،، معظمها بره (70 %)
بس لسه فيه 30 % جوا مكنوش موجودين

يبقا ال bicarbonate

زادت بره وجوا

دا الخطأ الوحيد الي ممكن نقع فيه في الجدول
الباقى هتجاوبوه صح إن شاء الله كله

تاني حاجة الكلور

زاد فين وقل فين ؟؟؟

زاد جوا ،، في ال RBCs

وقل براه ،، في ال plasma

صح ،، مش هتغلطوا في حاجة خلاص إن شاء الله

تالت حاجة الأيونات الموجبة (كاتيونات) cations

هل أنا جه على لساني سيرة ،، إن أنا بدخل الصوديوم ولا بخرج البوتاسيوم
هل إحنا اتحركنا بالأيونات الموجبة خالص ؟؟؟

لا

تفتكر ،، يبقا عدد الأيونات الموجبة جوا الكرة وفي البلازما بره أخبارهم إيه ؟؟؟
هي هي ،،

مكتوب عندكم علامة زائد ناقص (بره وجوا)

يعني constant

وكاتبلك كلمة constant جنب زائد ناقص عشان تفهموا يعني إيه

رابع نقطة ال OP

إيه ال OP دا ؟؟؟

ال Osmotic pressure

دكتور ناجي علمنا زمان ،، إن موضوع ال Osmosis وال Osmotic pressure

هل كان بيعتمد على ال type وعلى ال number ؟؟؟

Number

الموضوع موضوع عدد في ال Osmosis وال osmotic pressure

شوفوا يا شباب ،،

المكان الي فيه عدد الأيونات كبير ،، يبقا الضغط الأسموزي فيه كبير

الي عدد أيوناته تقل ،، يبقا ضغطه الأسموزي يقل

اللي ثابت يبقا ، ثابت

معايا كده نشوف مع بعض ،

خليك في البلازما بره ،

عدد الأيونات في البلازما ، بعد القصة دي أخباره إيه ؟؟

ثابت ، دا أنا صوتي راح وأنا بقولها مرتين ثلاثة

ion for ion

قصاد كل أيون bicarbonate نحطه في البلازما

أيون chloride بسيب البلازما ويخش على جوا

يبقا عدد الأيونات في البلازما أخباره إيه ؟؟

ثابت

يبقا الضغط الأسموزي في البلازما ؟؟؟

ثابت

بص عليها كده ،

علامة زائد أو ناقص في البلازما قصاد ال OP

يعني ثابت

طيب ،

أومال جوا الكرة عدد الأيونات ؟؟؟

لا يا بابا ، جوا الكرة ، قبل ما يت رسم أي حاجة خالص على ال board

ظهرلك اتنين أيونات جُداد

bicarbonate وال chloride

مكنوش ظاهرين من الأول

قبل ما أرمي ال 4 ملي CO₂ دول

مكنوش موجودين

فيه عندك bicarbonate

وفيه عندك كلور

ما دام عدد الأيونات زاد جوا الكرة ، يبقا ضغطها الأسموزي حصلها إيه ؟؟

زاد ،

ودكتور ناجي علمنا زمان ،

إن اللي ضغطه الأسموزي يعلى ، بيسحب مية ناحيته

اللي ضغطه الأسموزي عالي ، يشفط المية ناحيته ،

تفتكر يبقا المية هتتحرك منين لفين ؟؟؟

من البلازما لل RBCs ولا من ال RBCs للبلازما ؟؟؟

من البلازما لل RBCs

بصوا على إتجاه السهم ،
المية دخلت زي ما أنتوا قولتوا ، من البلازما لل Red blood cells
ده اتجاه ال water shift
أأأه ، عشان كده بقا ،
كانوا يقولولنا في ال blood ، إن حجم الكرة الحمراء بيزيد في ال venous blood

زمان ، قولتلكم على حاجة اسمها ال Haematocrit value
وحجم الكرة الحمراء ، والنسبة المئوية للكرة الحمراء
كنت قولتلكم إن haematocrit أعلى في ال venous blood عن ال arterial blood
ويومها كلفتكم ،
قولتلكم بسرعة كده
أصل الكرة الحمراء ، حجمها بيكبر في ال venous blood
وقولتلكم هنشرحها إن شاء الله

يبقا ليه الكرة حجمها زاد ؟؟؟
chloride shift phenomena

خامس حاجة ال PH

تفتكر ال PH جوا الكرة وبراهها ، أخباره إيه ؟؟؟
دا إحنا بنشرح الكلام ده كله عشان نشوف إزاي ال PH متتغيرش لا جوا ولا بره
ثابت ،

على فكرة الجماعة الأوائل ، من واحد لخمسة على الكلية
يعني السادس على الدفعة ، ينسى المعلومة ، ميهموش
لو عايز يطلع السادس ☺
المعلومة اللي هقولها دي مش موجودة في الكتاب
حتة إن ال PH ثابتة جوا الكرة ، فيها خطأ صغير

الحقيقة ،
المفروض تلقط الخطأ إنت لوحك
مضحكش عليك يا بابا
إنت عندك الهيدروجينة اللي رمتها على الهيموجلوبين محل البوتاسيوم اللي أخذته
الهيدروجين اللي رمتها على الهيموجلوبين << قام ناتج جوا الكرة الحمراء hemoglobinic acid (حمض ضعيف)
يعني هيوطى ال PH جوا الكرة حبة

فيعني ،
الي نفسه يعرف ، بس مش للإمتحان
ال PH جوا الكرة الحمراء بتبقا slightly acidic
لأن اتكون عندنا ال hemoglobinic acid

أنا بقولها عشان محدش يجي يسألني المرة الجاية ، الهيدروجينة دي راحت فين ، أديني سبقت وقولتها

تعالوا نتفرج بقا على العكس ،،

تفتكر أهم حاجة في عنوان الورقة اللي جاية إيه ؟؟؟

lung

فهمت صاحبنا عمل إيه يوم الخميس ،،

قال أنا بشرح في ال tissue ،، وهو شغال في صفحة ال lung

وشايف الأسهم عكس اللي بيت رسم ده كله ،، وهو عمال يصلح بالقلم الجاف

بهدلته يومها ،، وصالحته في الآخر ☺

لو جالك سؤال في الإمتحان

Chloride shift phenomena >> lung

أو gas exchange عند ال Lung

ثانية واحدة ،،

الورقة دي عمرها ما جت قبل كده ،،

يعني عبر تاريخ الفسيولوجي كله ،، عمر ما جت ال chloride shift phenomena عند ال Lung

دائماً يجيبوا ال chloride shift phenomena عند ال tissue

طيب ،،

وبعدين ؟؟؟ يعني نذاكرها ولا منذاكرهاش ؟؟ إحنا عارفين حظنا زبالة ،، وإحنا بقا هييجيبوها لينا ☺ السنة دي ؟؟

بسيطة ،،

لو جالك سؤال في الإمتحان اشرح ال chloride shift phenomena عند ال Lung

اللي إنت مش مذاكرها ،،

بقلمك الرصاص في الإمتحان تروح راسم chloride shift phenomena عند ال tissue بالكامل

وتحط الجدول اللي تحتيه كامل بالقلم الرصاص

اللي إنت حافظهم

وتجري 3 تعديلات ،،

اكتب معايا ال 3 تعديلات

إزاي أقلب الرسمة من ال tissue لل lung

أكتب معايا 3 سطور ،،

ولسه هنقعد نتسلى في الموضوع ده إن شاء الله

واكتب بالعربي

مرة واحد ،، اعكس أماكن أرقام الضغوط

يعني إيه مش فاهم ؟؟

أنا مش هقول بقا وأعبر ،، إنك لازم تشيل كلمة tissue

وتخليها alveoli

إحنا مش هنستهبل ،، إحنا فاهمين يعني

طيب ،،

يعني إيه أعكس أرقام الضغوط ؟؟؟ يعني بدل 46 جوا ،، و 40 بره ،، بدلهم مكان بعض

عشان ال CO_2 يخش جوا الرئة وتطرده
بدل ما هي 100 ، 40
اعكسها ، خلي ال 100 جوا وال 40 بره
فهمت الأرقام

ثمرة اثنين ،

اعكس اتجاه كل الأسهم في الرسمة ،
فهمت ليه هو كان ماسك القلم وعمال يلعب هو
يعني السهم اللي رايح يمين خليه شمال ، والشمال خليه يمين
واللي طالع بيقا نازل ، واللي نازل بيقا طالع
عكستها كلها

ثمرة ثلاثة ،

اكتب في الجدول علامة زائد تبقا ناقص ، والناقص تبقا زائد
طيب والثابت ؟؟؟
ثابت

كده بيقا إنت قلبت الورقة من tissue إلى Lung
أنا عايز أقولكم النهاردا حاجة ، عندنا كلنا Home work وإحنا بنذاكر ال chloride shift phenomena على ال tissue
لما تجي تسمعها لنفسك في البيت ، سمعها بالقلم الرصاص من فضلك
مش ذاكرت السؤال ؟؟؟ تبقا تسمعها بالقلم الرصاص
وقول بقا إيه ؟؟؟
عشان أقلبها lung اعمل ال 3 تعديلات دول

واقبلها كلها بقلمك الجاف Lung
وقارن نفسك بصفحة 27
خلاص كده

الورقة دي أساساً كاتبها عشان الناس تقارن نفسها بعد ما تعمل Home work
اقلب الصفحة من فضلك ، صفحة 28

على فكرة ،

ال chloride shift phenomena تاني أشهر سؤال في ال respiration
بعد curve الأوكسجين
أشهر سؤالين كده خلصوا الأوكسجين ، وال chloride shift
دا مهم أوووي

CO₂ Dissociation curve

ال CO_2 curve اكتب عليه سؤال نظري فقط
CO₂ dissociation curve
بيني وبينك ، أنا لو عايز أجيّب dissociation curve ،
أجيّب الأوكسجين ، بتاع ورقتين كده نظري وش وضهر بالرسم ، سؤال محترم

لكن ،

هنا أي كلام ، فاكذب عليه سؤال نظري كفاية

علمتكم إن أي curve

لما يجيلك curve في الإمتحان ، لازم ترسم ال curve

يعني إيه يجي curve في الإمتحان ، عمال تكتب ومفيش رسم << دا مش كلام صح على الإطلاق أول حاجة ترسم

وكان فيه عهد ما بينا وبين بعض ، من الحصة اللي فاتت

أول جملة في أي curve محجوزة ، دا علاقة ما بين مين ومين ؟؟؟

أول جملة ، قبل ما تنسى ،

الأفقي بتاعك هنا ال CO₂ tension

زي هناك ، كان ال oxygen tension

الوحدة كانت إيه ؟؟

ملي متر زئبق (milli meter mercury) (mmHg)

والوحدة هنا زي ال ملي هناك milli meter mercury

الرأسي هناك كان إيه ؟؟؟

كان oxygen saturation

هنا ال CO₂ content

ثانية واحدة لو سمحتم

حد فاكدر ليه إحنا اخترنا هناك ، (ودا سؤال شفوي) ، ليه عملنا هناك ال percent of saturation ؟؟؟

عشان المريض اللي عنده anemia

كان عنده الأوكسجين content أخبره إيه ؟؟؟

قليل

وال oxygen capacity ؟؟

قليلة

يقوم ال saturation يفضل ؟؟؟

هو هو

هنا ،

أنا مش خايف من عيان الأنيميا ،

ميفرقش معايا العيان عنده anemia ولا لا

عارف ليه ؟؟

أصل معظم ال CO₂ في دمك ، مش بتشال على الهيموجلوبين

أومال في صورة إيه ؟؟؟

bicarbonate

هتفرق إيه عنده anemia ولا معندوش ،

مش هتفرق حاجة في الرسمة

لكن ،

هناك كنا خافين اللي عنده anemia

كوباية الهيموجلوبين صغيرة ،، يبقى ال content يبقى قليل

كان شكل ال curve هيتغير

فقولنا نختار ال saturation

ال content قليل ،، ال capacity قليلة

النسبة ثابتة

النهاردا مفيش داعي إنك تقلق نفسك بالهيموجلوبين كثير ،،

أنيميا مش أنيميا ،، مش مهم

أصل معظم ال CO_2 مش على الهيموجلوبين ،، ده في صورة bicarbonate

طيب ،،

في الحقيقة يا أولاد ال curve هنا ،، 3 curves في بعض

مش curve واحد

بصوا عليهم في ال diagram عندك

أول واحد فيهم تحت ،،

دا curve ال arterial blood

كويس ☺

فيه curve ثاني أعلى منه ،، وطالع بردو لفوق

curve مكتوب عندك اسمه venous blood

فيه curve ثالث ،، أعلى واحد فيهم ،، ودا curve وهمي

مش جوا جسمنا ،،

complete reduced blood

يعني يخلو تماماً من الأوكسجين

الدم مفيهوش أوكسجين خالص ،، خالص

ودا curve وهمي ،، مش جوا الجسم

يبقا هما يا أولاد 3 curves

مش curve واحد

المفروض الطالب يا أولاد ،،

أول ما يبص على صورة ال curves كده ،، يطلع ببديهييتين

عارف البديهييات ؟؟؟

دا في سنة ثانية هنحكيلكم ،، اللي ميستنتجش البديهييات ،، دا النوع الثاني من العبط ☺

دا العبط فيه منه 3 أنواع ،، النوع الأولاني دا ممكن يتعالج ،،

« دا التاني »

بصوا البديهييات ،

أولاً ال curves طالعة لفوق ، يبقا العلاقة عندك directly ولا Inversely proportion ؟؟؟

direct proportion

أدي بديهية طبعاً

مش ال curve طالع << يبقا العلاقة direct proportion

البديهية الثانية ،

واضح كده من ترتيب ال curves ، إن كل ما كان الدم أقل حملاً للأوكسجين ،

كان أكثر حملاً لل CO₂

والدليل ،

إن اللي فاضي خالص من الأوكسجين ، أعلى واحد ، قدر يشيل CO₂

بديهييات ، بديهييات

دا النوع الثاني من العبط لو واحد مستنتجهاش ☺

لو سمحت عقب على شادية ،

الي قالت : عشان مليش قلبين ، مقدرش أحب اتنين

وقالك : إحنا لينا اتنين heart !!!

لا ،

أنا مع شادية ، شوف

الهيموجلوبين بتاعنا ، يا يشيل oxygen يا يشيل CO₂

عشان مليش قلبين ، مقدرش أحب اتنين

هو يشيل حاجة واحدة

يا أوكسجين ، يا CO₂

والدليل ،

إن اللي فاضي خالص ، اسمه إيه اللي فاضي خالص ؟؟؟

complete reduced blood

أكثر واحد شال CO₂

فيه خواجه ، سمع كلام شادية ،

وعمل قانون ،

خواجه كده معرفتش اسمع اسمه ☹

بيقولك إيه ؟؟؟

إن ال reduced hemoglobin

يعني إيه reduced hemoglobin ؟؟؟

يعني مش شايل أوكسجين

أكثر واحد يشيل CO₂ والعكس صحيح

طيب ،

مطلوب من سعادتك تحفظ 3 أرقام على الأفقي و3 على الرأسى ،

يا ساتر ، (ولنا وقفة ☺)

خدوا معلومة على السريع بمناسبة كلمة يا ساتر

اسم ((الستار)) مثلا

فالذي ورد في الحديث ((الستير)) كما قال النبي صلى الله عليه وسلم ((إن الله عزوجل حيي ستير ، يحب الحياء والستر ، فإذا اغتسل أحدكم فليستر)) رواه أبو داود والنسائي واحمد وحسنه الألباني في المشكاة

وكذلك يجوز أن نقول : إن الله ستار ، لأن هذا الاسم قريب جدا في المعنى من اسم الستير ،

ويدل على معنى كمال مثلما يدل اسم الستير تماما

فلا مانع من أن نقول : إن الله هو الستار

أما كلمة ساتر : فقد تستعمل بمعنى الحائط ، وبمعنى الستارة ، فلا يجوز أن نقول : ((يا ساتر يا رب)) ،

بل نقول : ((يا ستار يا رب))

والأفضل أن نقول : ((يا ستير يا رب))

نقلا من كتاب المنة شرح اعتقاد أهل السنة

صفحة 67 ونرجع مرة ثانية للدكتور ناجي (

متخافش ،،

إنت حافظ اتنين واتنين

إنت الجديد عليك في الأرقام رقم ورقم ☺

إنت الضغوط بتاعت ثاني أوكسيد الكربون ،، دي لعبتك من زمان

دي كام ؟؟؟

40 ،، 46

مين ال arterial فيهم ؟؟؟

40

أهي يا عم ،،

يبقا على arterial blood ال curve

دا ضغط 40 ،، دا arterial

حد فاكر ال arterial CO₂ الي أنا سميته الحصة الي فاتت total CO₂

كان ال arterial هو ال total

ال total هو ال arterial

كان كام ملي CO₂ ؟؟؟؟

48 صح ☺

مش ال total هو ال arterial CO₂ ؟؟؟

أيوة ،،

فاكرين ال 48 اتوزعوا إزاي ؟؟؟

42 ،، 3 ،، 3

تفتكر 42 ملي من الـ 48 هيكونوا موجودين في صورة إيه؟؟؟

Bicarbonate الـ

و 3 ذائبين physical

و 3 << carb amino

الـ 46 ده ضغط الـ CO_2 << venous blood

خليك على venous الـ curve

حد فاكرك، الـ venous blood كان كام ملي؟؟؟

52

كانت 48 ملي دا الـ artery

واترمى عليه الأربعة tidal CO_2 طلع كام؟؟

52

إنت حافظ رقمين أهم،،

فاضلك الـ curve الوهمي،، دا أنا اللي هقوله إن شاء الله

عند ضغط 60،،

لقينا إن الـ blood بقدر يشيل 66 ملي CO_2

دا جديد عليكم،، لأن ده curve وهمي

لو وصلت الـ 3 نقط،،

الخط ده يا أولاد اللي هو 3 نقط بتوعنا مع بعض،، يمثل كل مقدرات الدم عشان يشيل CO_2

مين أقل مقدرة فيهم؟؟ النقطة A ولا B؟؟؟

A

وأعلى مقدرة بشيل فيهم CO_2 ،، عند أي نقطة؟؟؟

B

كمان مرة،،

سعادتك هتقرأ على هذا الخط،، يقولك: دا الـ physiological line

اللي هو الـ AB ده،،

اللي يمثل الـ all abilities (كل المقدرات) بتاعت الـ CO_2 blood to carry

الـ least ability عند أي نقطة؟؟

عند A

ومين أعلى مقدرة؟؟؟ عند أي نقطة؟؟؟

B

يبقا الـ Line AB يمثل،، كل المقدرات

فيه عندي عنوان صغير بعديها،، والحقيقة العنوان ده قعدت أفكر فيه حوالي نص ساعة

وهقولك ليه اتحيرت أوووي إن شاء الله

العنوان اللي عليه الدور

Alkali reserve

الإحتياطي القاعدي ، أو ال bicarbonate standard

عارف بيتكلموا على مين ؟؟؟ مين أهم قلوي في دمك ؟؟؟

ال bicarbonate

تفتكر الصوديوم ولا البوتاسيوم bicarbonate ؟؟؟

ال sodium

اكتب لي جنب العنوان sodium bicarbonate

هو دا الكثير < 70 %

أقولك ليه احترت بقا الحقيقة ؟؟؟

الحقيقة أنا دورت على العنوان ده في كتاب الكلية ، ملقتوش

استغربت !!!

قولت : أكيد غلطان ، طيب ألفه من أدام لورا ثاني

أجيب من أول ال index ممكن كاتبينه على الجلدة

وصلت لغاية ورا ، ملاقتوش ☹

قولت : أجيب الكتاب بالعكس ، ممكن ألقطه ، ملاقتوش ☹

استغربت

ليه تستغرب ؟؟؟

لو فتحت مذكرة الإمتحانات من 3 أو 5 سنين ،

السؤال جه في الإمتحان ، اشرح ال alkali reserve

تقوم فجأة متلاقيوش في الكتاب ،

هتقولي : لغوه ☺

خلاص ماشي ،

إنت عارف امتحان المعادلة اللي امتحناه من 3 ولا 4 شهور ،

كتاب ال respiration دا كله جاي فيه 3 أسئلة

من الآخر ، كلهم alkali reserve

مش معقول أخرج دفعة ، أقول بقا دي اللي أخذت كله ما عدا ال alkali reserve

فهتأخذ منك دقيقة ،

بس ميصحش دكتور ميعرفش ال alkali reserve

بص بيعرفوه إزاي ؟؟

ال CO₂ اللي في اتحاد كيميائي ،،، حط ليا دائرة حوالين الجملتين دول

تفتكر أهم صورة اللي هي مين ؟؟

ال bicarbonate

ما هو لما يقولك : CO_2 في اتحاد كيميائي ،، يبقا بيتكلم على ال bicarbonate
هيقسوها في ال plasma 100 cm arterial
حط دائرة حوالين plasma

يبقا بيقسوا أنه بي bicarbonate في العيان ؟؟؟ الصوديوم ولا البوتاسيوم ؟؟؟ خلي بالك البلازما ؟؟
يبقا الصوديوم
أدي طريقتهم في التعريف

ال CO_2 الي في اتحاد كيميائي ،، ال bicarbonate
هتقسيه في البلازما ،، يبقا الصوديوم bicarbonate

سيبك من ال Measurements
إنزل لثاني سطر ال normal standard
ال Normal من 22 إلى 28 ملي equivalent
تتحفظ صم

أقولك حاجة ،،
دا الأسئلة في الإمتحان جات لي على الأرقام دي كلها ،،

جابوا ليا حالة ،،
عيان طلع ال alkali reserve بتاعه ،، 35 (فوق ال 28 mEq)
العيان دلوقتي عنده قلوي كثير في دمه أكيد ،،
يبقا عنده alkalosis
شخصت alkalosis علطول

حالة تانية جابوها alkali reserve كانت 17
أنا عارف أولها (22)
يعني عيان عنده دلوقتي الإحتياطي القاعدي قليل في دمه ،، القلوي قليل
يبقا عنده حالة acidosis

خلي بالك ،، عشان بيسألوا في الكلام ده بره
دا ال index بتاع ال acid base balance
الي هي PH

كمان مرة ،،
لو لقينا الإحتياطي القاعدي عالي ،،
يبقا العيان ده عنده حالة alkalosis

ولو القلوي قليل ،، يبقا عنده acidosis
يبقا كده وسطناها ،، لا أخذناها ولا سيبناها ،،
إنت عرفت الموضوع بيدور حوالين إيه يعني

تعالوا بينا بقا وأقولكم على خبر سعيد جداً ،
الخبر السعيد ، إنت لو متأخر في الحصص الأولى عندك فرصة تلحق بينا
لأن الكلام اللي جي ملوش علاقة باللي فات خالص
إحنا هنبدأ جزء جديد خالص ،

موضوع حلو أووووي ،
إزاي إحنا بنتنفس ؟؟ دا الكلام اللي هحكيه النهاردا إن شاء الله
والحصص الجاية إن شاء الله ، إن كان لينا عمر ، أقولك : إيه اللي يخلي النفس يبقى سريع ، يبقى بطيء ، إيه اللي يوقفه ، ال regulation
ده

النهاردا إن شاء الله هنحكي ، إزاي إحنا بنتنفس وإحنا قاعدين دلوقتي ،
وبعدين نتكلم إن شاء الله إزاي نسرع ، وإزاي نبطيء ، وكده يعني

Control of respiration

عملية تنظيم النفس ،
أول 3 ، ولا 4 سطور دول مقدمة كده قراءة
عملية تنظيم النفس بتتم من خلال أربع حاجات ،
مكتوب عندكم في المذكرة four components
أربع مكونات (التنظيم ، ال control) أربع حاجات
هتتعجبكم أووووي الحنت اللي جاية إن شاء الله
ركزوا بقا فيها ،

أولاً ، إحنا عندنا حاجة اسمها sensors (اللي هي ال receptors يعني)
دي اللي هنتعلمها الحصص اللي جاية إن شاء الله
إن عندنا receptors في حنت كتيرة في جسمنا
بتبعث إشارات كهرباء تأثر في النفس ، إن شاء الله نأخذهم في الحصص القادمة

يبقا فيه receptors (sensors)
فيه عندنا مراكز للنفس ، ودا اللي هناخدهم مع بعض النهاردا إن شاء الله
ال centers ودا تاني واحد

فيه عندنا عضلات للتنفس هناثر عليها (effectors)
ال effectors المعني بيها يا أولاد ، ال muscles of respiration
لو مش عارفينها اكتبوها لو سمحتم

رابع حاجة ، في عملية ال control ، ال negative feed back

إيه ال negative feed back ده ؟؟؟

بص لي لو سمحت ☺
إن شاء الله في الحصص القادمة ، هقولك : إن أهم منشط للنفس ، زيادة ال CO_2 في دمك ،
 CO_2 tension يعني

إنت عارف لما ال CO_2 يعلى أووووي في دمك ، ينشطك النفس

يقوم نفسك زاد

كده بتطرد مين ؟؟؟

ال CO₂

يقوم ال CO₂ الي عندك يرجع يقل

حتى إن ال CO₂ علي ، قام نفسك زاد

يقوم في الآخر قل ، دي يسموها negative feed back

إن الأول ال CO₂ كان عالي ، وفي الآخر لقيناه قل معانا

دا الي بيسموه negative feed back

كان عالي ، وفي الآخر قل

كان عالي في الأول ، وفي الآخر قل

دي اسمها negative feed back

هو النفس بتاعنا يا أولاد ، voluntary ولا involuntary ؟؟؟

voluntary (إجابة الطلبة)

يعني لما بتنام نفسك بيقف !!! مش كده ولا إيه

هو يا شباب involuntary

يعني مقدرش أتحكم فيه يعني ؟؟؟ دا سؤال أناتومي

يقولوا ليكم في الأناتومي ،

مين ال only skeletal muscle الي ممكن نشغل عليها voluntary و involuntary ؟؟

كانت الإجابة ال diaphragm

النفس بتاعنا ،

partially voluntary, partially involuntary

دكتور ناجي حكاكم القصة ، و نحكيها ثاني ،

الي هي ، أحد الأساطير الأغريقية القديمة ، زمان وحكاوي زمان ☺

إن فيه واحد أحب واحدة وأخل بيها ،

فدعيت عليه دعوة غريبة جداً للآلهة يومها ، دعيت عليه إن نفسه يبقا voluntary بس

عارف يعني إيه ؟؟؟

يعني لو نام ، يموت

بقية الأسطورة ، تتكمل إزاي بقا

أخينا دا حب ينام ،

يقولك : أخذ يجوب البحار ، قعد يلف في بحار الدنيا ، صاحي مش عايز ينام

إلى أن تاب إلى رشده ، عقل ، ورجع لمحبوبته ثاني

واعتذر لها ، فسامحته

ودعت الآلهة مرة ثانية ، إن يرجع نفسه voluntary و involuntary

ورجع في الآخر

شوفوا الروقان ☺

أنا بعيدلكم القصة دي لتاني مرة ،، عشان تعرف إن النفس involuntary و voluntary

طيب ،،

إنت عارف إن النفس voluntary ،، طيب إزاي voluntary ؟؟؟

الله ،، ما أنا ممكن قصادك دلوقتي وأنا واقف همزاجي أسرع نفسي أهو ،، حد شريكي همزاجي أكنتم نفسي ،، أهو

أقولك حاجة ،،

الكلام ما هو إلا voluntary control على ال respiration
أنا لما أطول كلمة ،، أنا كده بعمل voluntary control على ال respiration
يبقا فعلاً ممكن أتحكم في نفسي voluntary

طيب ،،

عايز أعلمكم حاجة ،، لما أجي أقولك : أي حاجة عندي في الجسم voluntary
قولي : يبقا المسؤول عنها الباشا ،، أرقى حته في مخك اسمها ال cerebral cortex (القشرة المخية)

كل الحاجات ال voluntary عندنا ،، المسؤول عنها ال cerebral cortex
القشرة المخية

لو سألتك طالب في سنة تانية عن الباشا ،،

هيقولك : طبعا معروف << ال cerebral cortex

ال voluntary control على ال respiration بيتم إزاي ؟؟؟

كهرباء نازلة من ال cerebral cortex ،، إلى ال spinal cord بتاعك اللي هو بيشغلك عضلات التنفس
يا يشغلها يا يوقفها

يبقا هنا الكهرباء نازلة من ال cortex

رايحة لل spinal

يسموا السكة ال voluntary << cortico spinal

الكهرباء نازلة من القشرة إلى ال spinal

يبقا اسمها إيه السكة على بعضها ؟؟؟

cortico spinal

ال involuntary ،،

الجزء اللاإرادي في النفس ،، دا المهم في موضوع ال homeostasis

فيه عندنا ،، مراكز للتنفس في ال brain stem

ال brain stem اللي هو عبارة عن mid brain, pons and medulla

ال brain stem << 3 حته

مين فوق ؟؟

Mid brain

في النص ???

pons (قنطرة فارول أو البربخ)

الي تحت ???

Medulla oblongata (النخاع المستطيل ،، إنت عندك medulla يعني نخاع ،، oblong يعني مستطيل بالإنجليزي أصلا ☺)

مراكز التنفس بتاعتنا زي ما هنقول بعد دقيقة إن شاء الله
دي الي مشغلالك النفس involuntary و إنت قاعد ،، موجودين في ال brain stem
الكهرباء نازلة منهم لل spinal cord عندك الي بيشغل عضلات التنفس

يسموا السكة ال involuntary
أولها brain stem ،، يسموها bulbo
كلمة bulbo مكتوبة عندكم
bulbo spinal
bulbo يعني بادئين بال brain stem

كلمة bulbo ،، يعني brain stem
spinal في الآخر عشان رايحة لل spinal cord

Respiratory Centers

سؤال نظري بقا مهم ،،

مين بقا مراكز التنفس في ال brain stem ???

مكتوب عندكم 2 regions of respiratory centers
نظري مهم

صحح كده وفوق معايا لو سمحت
لو ركزت في الورق الي جاي ،، الكلام الي بعده أكننا بنعيدهم تاني إن شاء الله
أهم حاجة تركزوا في الأول بس

الحنة دي أرجوك انتبه ،، الحنة دي معكوكة عكة سودا في الكتاب
ركز فيها كده ،، تطلع حافظها صم إن شاء الله
بص كده ☺

فين بقا مراكز التنفس في ال brain stem الي مشغلين النفس دلوقتي وأنا قاعد ???

مراكز التنفس يا أولاد متوزعة ،، في ال medulla وال Pons

يبقا في كام مكان هما ???

2

إيه رأيك بقا ،، إنهم مركزين في ال medulla
ومركزين في ال Pons

يبقوا تعالوا كلنا نكتب على السؤال ده من فوق ،، 2 X 2
كود الحفظ ،،

هما منطقتين ،، medulla and pons ،، وكل منطقة فيها اتنين
تكتبهم ،، تأخذ نمرك في الإمتحان إن شاء الله

أنا بتتكلم ببطء على أد ما أقدر عشان الناس تركز
أنا عندي سرعات أكثر من كده بكثير ،، بس بكلمك واحدة واحدة

الأول عايز أقولكم حاجة ،،

دا ال brain مش كده ☺

شايف شكل ال brain stem عامل إزاي ???

كده ☹

اللي أنا راسمه في الديجرام ،، نص ال brain stem
كأني قسمته نصين

يعني ال brain stem ده يا أولاد ،، المفروض ليه بقية تانية كده
إحنا عشان منخلبطكوش (عشان متغلطوش)
بنشرح على نص واحد ،، واللي بنقوله الناحية دي ،، فيه زيه بالظبط الناحية الثانية
بس إحنا بنشرح على ناحية واحدة عشان الورقة بتاعتنا تكفي
لكن ،،

اللي بقوله هنا ،، زي اللي الناحية الثانية
متخيل إن أنا أخذت النص بتاع الجسم

على بركة الله ،،

أول منطقة عندي في مراكز التنفس ال medulla

اتنين ،، مرسومين عندكم في الديجرامات

فين هما بقا مراكز ال medulla ???

شكلهم عامل كده ،، واحد كده ،، وفيه واحد ثاني بيبان إنه وراه

عرفت مين إن الثاني وراه ???

فيه حته مستخينة منه ☺

إخوانا بتوع ال anatomy ،، الحاجة اللي أدام يسموها ventral

والحاجة اللي ورا يسموها dorsal

الجماعة العلماء قالوا ،،

يبقا المركز الأولاني للنفس في ال medulla

نسميه ventral respiratory group

أي جملة صعبة في ال english بنتعامل معاها إزاي ???

خدها من الآخر للأول

دول عبارة عن group (مجموعة neurons) في مخك ،، مسؤولين عن ال respiration

ليهم علاقة بال respiration

موجودين أدام

تفتكر على نفس الوزن ،، اللي ورا هنسميهم إيه ???

dorsal respiratory group

مفيش دكتور في العالم ،، ميعرفش VRG و ال DRG

مركزين التنفس بتوع ال medulla
ventral and dorsal respiratory group

طبيب ،

أنا عايز أخلص من ال anatomy
عشان أدخل في الشغل بتاع الفسيولوجي

تعالوا نخلص كده من الموقع بتاع كل واحدة فيهم ،
تفتكر لو قولتلك : ال ventral respiratory group

مكانها فين على الرسم ؟؟؟

موجودة أدام ، ventral

وموجودة lateral ولا medial ؟؟؟

lateral

يبقا مكان ال ventral respiratory group ؟؟؟

ventro lateral

يعني لو عندك خط النص ، هتلاقيها بعيدة عنه

طبيب ،

لو فهمتموا قولوا ،

مكان ال dorsal respiratory group ؟؟؟

dorsal

و medial عشان قريب من ال Mid line

بتيجي في ال M.C.Q.

عشان كده أنا جبتها لكم من الأول

كمان مرة ،

المركزين النفس بتوع ال medulla

VRG and DRG

إيه ال DRG ده ؟؟؟

dorsal respiratory group ال

وال VRG ده إيه ؟؟؟

ventral respiratory group

مكانه فين ؟؟

ventro lateral

وال dorsal respiratory group مكانه فين ؟؟؟

dorso medial

تعال على الفسيولوجي بقا ،

اكتبوا لي على ال dorsal respiratory group << 1

رقم السعد في ال dorsal رقم واحد

هسألك 3 أسئلة والإجابة دائماً 1

اكتب لي على ال ventral respiratory group << 2

ال Lucky number في ال ventral رقم اثنين

كل حاجة في ال ventral << two

فيه جدول مقارنة صغير عندكم في المذكرة ،

مكتوب فيه dorsal و ventral

حط عليهم 1 and 2

تعال فمسك ال dorsal respiratory group

رقم السعد هنا كام ???

1

أحياناً طالب آخر السنة حافظ كل حاجة ، بس مش فاكتر ، أحط دول dorsal ولا أحط دول ventral ⊕

إنت كل الحفظ بتفكر نفسك

كل حاجة في ال dorsal هتبقا واحد

كل حاجة في ال ventral هتبقا اثنين

خش على ال dorsal

ال dorsal respiratory group ،

عاملين nucleus واحدة جوا المخ

ودكتور ناجي عرفنا زمان ، مجموعة Neurons جوا ال C.N.S. يبقا إسمها إيه ???

nucleus

مجموعة neurons لو برا ال C.N.S. يبقا إسمها إيه ???

ganglion

العلماء سمو ال nucleus بتاعت ال dorsal respiratory group

nucleus واحدة ، سموها الوحيدة

solitarius مكتوب عندكم

كلمة solitarius يعني الوحيدة أو الواحد

إنت عارف الستات تقولك : دي بتلبس خاتم سوليتير

ونروح الأوبرا ، يقولك دا بيعزف سولو : عزف منفرد ، بيعزف لوحده

يبقا السوليتير واحدة

يبقا كام neculeus هنا ???

واحدة ، واسمها واحدة

واحدة الي هي إسمها إيه ؟؟؟

solitarius

طيب ،

أسألکم على ال dorsal respiratory group

ليها كام وظيفة

تقولي : واحدة

دي بتاعت ال Normal inspiration

يعني هي الي بتشغلنا عضلات ال normal inspiration

كانوا مين ؟؟؟

ال diaphragm أهم عضلة

ومين كام ؟؟

الي ما بين الضلوع

ال Internal ولا ال external عايزينها ؟؟

external intercostal

يبقا أدي يا عم ، ثاني سؤال وبردو واحد

ووظيفة واحدة

طيب ،

تفتكر ما دام ال dorsal دي وظيفتها normal respiration

تفتكر نوع ال Neurons الي جوا هل هتكون inspiratory بس ولا inspiratory و expiratory ؟؟؟ ولا expiratory بس ؟؟؟

هي شغلتها ملهاش دعوة إلا بالشهيق ،

يبقا نوع ال neurons الي جواها inspiratory ولا expiratory ؟؟؟ ولا الأثنين ؟؟

inspiratory بس

يبقا 3 أسئلة والإجابة دائماً واحد

أقولك يا بني ،

كام nucleus تعرفهم ؟؟؟

واحدة

اسمها إيه الوحدة دي ؟؟؟

solitarius

كام function تعرفها لل dorsal ؟؟

واحدة

الي هي مين ؟؟؟

normal respiration

كام نوع neurons تعرفهم في ال dorsal ؟؟؟

واحد

نوعه ؟؟

inspiratory

كمان مرة ،،

dorsal respiratory group ال

الكلام ده أنا حافظه من زمان ،، نفسي الطلبة تبقا حافظاه

ال dorsal أسألك أي حاجة عنها ،، رقم السعد واحد

فيها كام nucleus ???

واحد

اسمها ???

solitarius

كام function ???

واحد

الي هي ???

normal respiration

كام نوع Neurons ???

واحد

الي هو ???

inspiratory

مكتوب عندكم تحت ال inspiratory neurons

هنا ال inspiratory neurons شغالة بنظام الرامب

شوفت كلمة رامب

حد عارف يعني إيه رامب ؟؟

رامب في القاموس معناها مطب صناعي ☹

أقولك حاجة ،،

الي بيكتب العلم بره ،، بيكتبه بلغتهم

هما هناك لو جبت طفل صغير قولتله رامب هيفهم

إحنا هنا بننقل ،، رامب يبقا رامب

إيه حكاية المطب ده ??? مطبات صناعية عملينها في الشوارع

الشوارع عندنا اتملت مطبات ☹

يعني كل واحد عنده شوية أسمنت ولا بتاع فاضوا من بنى ،، هيوديهم فين يعني

يقوم عامل مطب أدام العمارة ☹

ودلوقتي ما بين المطب والمطب حطوا ☹ مطب

المهم ،،

اتفرج بقا على الي سايق العربية

ولقي أدامه مطب

عشان هنقولك العلاقة ما بين المطب ده وال respiration

الشخص الي طالع المطب بالعربية ،، تلاقيه ،، طالع على مهله أوووي ،، ما هو خايف على عربيته

الطلعة على مهله ،،

بمجرد ما وصل لقمة المطب ،، ماشي ولا بيدي على حسب الريح ،، خلاص ،، معندوش تحكم في الموضوع

تلاقي العربية راحت رازعة منه مرة واحدة

يبقا المطب ده نظامه ،،
الطلعة على مهلك ،، والنزلة مرة واحدة
دا المطب

طيب ،،

إيه علاقة الكلام ده بال respiration ???

العلماء قالوا : إن ال dorsal respiratory group إزاي بتعملك شهيق ؟؟
ال Neurons الي جواها بتتقعد تبعت ثانيتين تشغل ال diaphragm وال external intercostal
بهدهو ،، فسعادتك بتأخذ نفس بحنية أوووي
على مهلك ،،

فجأة (إيموشن واحد صوته بيعلى)
ال neurons دي تبطل تبعت كهرباء ،، الشهيق يقف مرة واحدة
وتتقعد واقفة على الحال ده ،، 3 ثواني

تفتكر ال 3 ثواني دول هيصصل فيهم إيه ???

expiration
الهواء يخرج بقا

يبقا إحنا دلوقتي يا أولاد ،،
وإحنا قاعدين ال dorsal respiratory group
ثانيتين ،، تخليك تأخذ نفس على مهلك
فجأة تروح واقفة ،، فالشهيق يقف
وتتقعد واقفة 3 ثواني
فتتقعد إنت تخرج سعادتك النفس

يبقا كل respiratory cycle بتأخذ كام ثانية ???

5 ثواني

مين شاطر في الرياضة ☺

يبقا في الدقيقة بتتنفس كام مرة ???

12 / 60 = 12 مرة

12 مرة

النفس خد 5 ثواني ،،

يبقا نتنفس كام مرة في الدقيقة ???

12 مرة

ما هو دا الي طول عمري بقوله ليكم
إن إحنا normally بتتنفس 12 مرة في الدقيقة

هتقولي : مش فاهم الرامب ده حلو في إيه ???

حلو في إيه !!

أقولك : إنت عارف لو ال neurons بتاعت ال dorsal respiratory group
اللي بتشغلك ال diaphragm وال intercostal

اشتغلت بسرعة ،،

كان سعادتك نفسك هييقا كده ،، (إيموشن شهيق ،، زفير بسرعة)
ما هي شغلتنك ال diaphragm وال Intercostal بسرعة
تخيل بقا المنظر كنتوا قاعدين طول الحصة بتعملوا إزاي ☺

المنظر ده على فكره اسمه gasping

لأنك هتروح تقرأ الكلمة

ال gasping اللي هو بيسحب النفس بسرعة

لكن كون إن هي شغالة على مهلها في ثانيتين ،، وتقعد 3 ثواني سعادتك تتفرج
النفس بيبقا فيه حنية شوية
فهمت فائدة الرسم

تعال الناحية الثانية ال ventral respiratory group

بصوا يا شباب ☺

موجودة فين ؟؟؟

ventro lateral

هسألك سؤالين والإجابة رقم السعد بتاعنا فيها كام ؟؟؟

2

أقولك ال ventral respiratory group وظيفتها إيه ؟؟

تقولي : حاجتين

هي دي بتاعت ال forced inspiration و forced expiration

فاكر ال forced inspiration

كان غير ال diaphragm وال intercostal شغلنا 3 عضلات

إيه هما ؟؟؟ كلهم بحرف ال S على فكرة

• ال sterno mastoid

• ال serratus

• ال scalene

هي دي يا عم اللي بتشغلك ال forced inspiration

طيب ،،

اللي بيعمل forced expiration ،،

بيعمل contraction بعضلات بطنه ،، واللي ما بين الضلوع من جوا

اسمها internal inter costal

ال ventral respiratory group ليها كام وظيفة ؟؟؟

وظيفتين

تفتكر مـخك ،، بيقا نوع ال neurons اللي جواها ،، هل inspiratory بس ؟؟؟ ولا expiratory بس ؟؟ ولا الأثنين ؟؟؟
الأثنين طبعا

طبيب «

تفتكر وانت قاعد دلوقتي « يبقا مين شغال في الأثنين ؟؟ ال ventral ولا ال dorsal ؟؟؟

ال dorsal بس

لما تيجي تعمل مجهود « وتجري « تشغل مع ال dorsal كمان ال ventral
أقرأ عندكم كده «

كاتبلك كده إن ال dorsal هي ال Normal

ولما سعادتك تعمل مجهود وتجري « تشغل معاها ال ventral الناحية الثانية
هي اللي بتنشط اللي جنبها

اكتبوا بالعربي لو سمحتوا على ال dorsal << الأساسي

وعلى ال ventral << الإضافي (وليس الإحتياطي « يعني مش لو دي باظت دي تشتغل « لكن دي بتشتغل معاها)

يبقا مين الأساسي ؟؟؟

ال dorsal

ومين الإضافي اللي ممكن تكمل معاها ؟؟؟

ال ventral

ثانية واحدة يا أولاد «

إحنا عرفنا المركزين بتوع ال medulla

لو سعادتك شغال بتتوع ال medulla دول بس « كان نفسك هيبقا 3 حاجات

كان هيبقا rhythmic

عارف يعني إيه rhythmic ؟؟؟

يعني كل شهيق وراه زفير « دي حلوة ☺

rhythmic يعني كل شهيق وراه زفير « دي حلوة

بس كان هيكون فيه عيين «

إنه irregular

يعني إيه irregular ؟؟؟

يعني مرة النفس عميق أوووي « ومرة ضحل (shallow)

مش حلوة دي ☹

وكان هيبقا فيه عيب ثاني «

إنه بطيء (slow)

يبقا ال medullary centers لو شغالين لوحديهم

كان نفسنا هيبقا 3 حاجات

فيه ميزة «

إيه الميزة اللي فيه ؟؟؟

إنه rhythmic « كل شهيق وراه زفير « ودي حلوة

وفيه عيين «

إنه irregular « مرة هيبقا عميق ومرة هيبقا ضحل (shallow)

وفيه عيب تاني ،، إنه slow
دا لو إحنا شغالين بالأثنين بتوع ال medulla بس

عارف مين بقا ينظم لينا النفس؟؟؟ ويخليه كله عمق واحد وسريع وحلو؟؟؟

منظم النفس ،، منظم النفس
أول واحد بتاع ال pons
اسمه (نيمو تاكسيك سنتر) pneumo
ال p دي silent (حط تحتها نقط)
بلاش الشفوي عشان المشاكل وتقول بنيمو

Pneumo يعني إيه؟؟؟

هواء
مش خدنا ال Pneumo thorax ولا إيه؟؟؟!!

تاكسيك يعني منظم
يعني regulated
منظم النفس

حتة جملة ،، اكتبوها يا أخي
عن شغل النيمو تاكسيك سنتر
نفسى الجملة دي تتطبع في دماغك

بيقولك النيمو تاكسيك بتعمل إيه؟؟؟ بيشغل إزاي؟؟؟

النيمو تاكسيك دا بيعمل stoppage لل inspiration ،، دا شغله
regular و يزود عدد مرات التنفس
ويسكتوا

يا سلام على الكلمات ،،، تعالوا واحدة واحدة نفط إيه اللي كتبوه عن النيموتاكسيك pneumotaxic center
شايف المقطع ده من الجملة
النيموتاكسيك (pneumotaxic center) بيقولك : بيوقف الشهيق عند نفس النقطة كل مرة
بص معايا لو سمحت

يعني كأن النيمو تاكسيك جواك أخذ خط كده بالعرض ،، وأنا كاتب PN center (النيموتاكسيك سنتر) (pneumotaxic center)
النيموتاكسيك دي طريقة عمله يا أولاد
كأنك أخذ خط كده ،، وقال أي شهيق مش هيتعدى الخط ده

طيب ،،
أنا هكتبلك القصة هتمشي إزاي بقا ،،
يبقا سعادتك تأخذ النفس من هنا ،، لازم الشهيق يقف عند النقطة دي والهواء يروح خارج
ويبتدي الشهيق اللي بعده ،، لازم يقف عند النقطة دي ،، والهواء يروح خارج
اللي بعده ،، لازم نقف عند نفس النقطة
واللي بعده ،، وهكذا ...

أخذت بالك دلوقتي ،، إن بقا كل نفس عمق أخوه

يعني النفس أصبح إيه ؟؟؟

regular

regular كله عمق واحد

وملاحظ حاجة ثانية ؟؟؟

مفيش نفس هيصع فيه وقت أوووي ،، دلوقتي مدة كل نفس بقت محدودة

تفتكر لما مدة كل نفس بقت صغيرة ،، دا يدك فرصة إن عدد مرات التنفس في الدقيقة يحصلها إيه ؟؟

تزيد ،،

يبقا صلحت العيب الثالث ،، إنه كان slow

كمان مرة ،،

حتت جمل بيكتبوها عن شغل النيموتاكسيك (pneumotaxic center) رهيب

النيموتاكسيك يا أولاد بيوقف الشهيق عند نفس النقطة كل مرة ،،

عارف إمتي ؟؟؟

بعد ال 500 ملي الي هو حقك ،، الي هو ال tidal volume

مش إنت بتأخذ في كل نفس 500

النيموتاكسيك (pneumotaxic center) بيوقفك الشهيق عند ال 500

تخيل إنت كل نفس بيخلص عند نفس النقطة ،، على نفس ال level ده

أصبح كل نفس عمق أخوه

يبقا النفس أصبح regular

يبقا صلحنا العيب الي هو كان فوق ده

وما دام كل نفس دلوقتي بقت مدته صغيرة ،،

لما كل نفس بقت مدته صغيرة ،، دا يدنا فرصة إن عدد مرات التنفس كتيرة

يحصلها إيه ؟؟؟

تزيد

يبقا الي ينظم النفس ،، منظم النفس اسمه إيه بقا ؟؟؟

النيموتاكسيك سنتر

ثانية واحدة ،،

كلمة stop ،،

هو دا الي بيوقف الشهيق ،، قولنا عند نفس النقطة

هو دا الي بيوقف ،،

يبقا ممكن أسمي النيموتاكسيك (pneumotaxic center) ،، هو دا ال Off (السويتش بتاع النفس)

محطوط عندكم جنب الرسة دا ال off (switch) بتاع الشهيق

طيب ،،

أي جهاز في الدنيا ما دام فيه زرار Off ،، يبقى أكيد فيه زرار On
ال On switch

دا الزرار الثاني ،، دا ال center الثاني اللي في ال Pons
دا اللي بيشغلك النفس

قرأت إسمه؟؟

أبنيوستيك سنتر (apneustic center)
هو دا يا أولاد ،، اللي بيخلينا نأخذ نفس
الي بيديني الشهيقي بسببه

ترجمة اسمه غريبة أوووي

apneustic

a في اللغة يعني إيه؟؟

يعني لا ،، مفيش

هو أنا معرفتكوش الكلام ده من أيام ال aplastic anemia

penustic يعني نفس

يعني ترجمة اسمه

مفيش نفس

إيه دا يا عم !!! مش إنت بتقول هو ده ال On switch

مش هو دا اللي بيخلينا نأخذ نفس

وترجمة اسمه مفيش نفس !!!

هو إنت بتشتغلنا ولا إيه !!!

أقولك هو يقصدوا إيه؟؟؟

ال apneustic center ده طول عمري بقول عليه دا المجنون

دا المجنون ،، أيون مجنون

إنت عارف ال apneustic ده عايزنا ندخل في شهيقي ،، حتى الوفاة

هو On switch أه

بس عايز يدخلك في شهيقي لغاية ما تموت

عايزك تأخذ نفس علطول ،، لغاية ما تقطع النفس خالص

مجنون مجنون مجنون

هو الي بيشغل النفس أه ،،

بس مجنون مجنون مجنون

عشان كده يقولك :

لو وقعنا تحت رحمته ،، هيخلينا نقطع النفس خالص

مفيش نفس ☺

يلا بقا ،،

مين ال On switch ???

apenustic center ال

مين ال Off switch ???

النيموتاكسيك center (pneumotaxic center)

مينفعش أشرح الي وراها من غير ما تكونوا عارفين كويس مين ال On ومين ال Off

مين ال On switch ???

apneustic enter ال

مين ال Off switch ???

النيموتاكسيك سنتر (pneumotaxic center)

كيفية تخليق نفس منتظم

كيفية تخليق نفس منتظم ،، دا سؤال نظري مهم

والإجابة هنا من أربع خطوات

المهم ،،

شوفوا يا أولاد إحنا اتعملنا من الورق الي فات أهم معلومة

مين ال On switch ??

apenustic center ال

ومين ال Off switch ???

النيموتاكسيك سنتر

ربنا يا أولاد العالم ببواطن الأمور ،، عالم إن البديل مصيبة

إن أنا وإنت لو وقعنا تحت رحمة المجنون (المجنون الي هو ال apneustic) دي مصيبة

هنخش في شهيقي مستمر ،، حتى الوفاة

شوفوا ربنا عملنا إيه ???

حط ليننا على المجنون اتنين Off switches

إنتوا عارفين واحد قولتوه ،، الي هو النيموتاكسيك من فوق ،، دا بيعطله ،، بيوقفه

فيه واحد تاني من تحت ،، جاي من ال lung

lung إيه الي هتوقف المجنون !!!??

ال Lung بتاعتنا فيها receptors في ال bronchi

يقولك لما ال lung تتنفخ هواء ،، مش النص لتر ،، لا ،، لتر

يعني الهواء انسحب أكثر من المطلوب

يعني بدل ما يخش النص لتر بتاع ال tidal volume ونقف

كملنا لغاية لتر هواء

إيه الي هيجصل ???

متقلّش ،، ال receptor ده الي في ال bronchi يتشد
يحصله stretch ،، لما الرئة تتملي هواء جامد
ال receptor بتاع ال bronchi يتشد

يقوم يعمل إيه ؟؟؟

يبعت غلطول كهرباء ،، يوقف المجنون

طيب ،،

إحنا دكتور ناجي علمنا دائماً ،، إن ال bronchi هنا ،،

والحثة دي ملعب مين ؟؟؟ أنهي Nerve ؟؟

vagus

يبقا ال nerve الي طالع هنا من ال lung عشان يوقف المجنون

vagus ال

الي وصف القصة دي اتنين من العلماء ،، Hering و Breuer

دا سؤال شفوي مهم ،،

يقولك سمعت عن ال Hering و Breuer reflex ؟؟؟؟

تقوله : أبوة ،، دا الي بيوقف المجنون

عن طريق ال vagus nerve

طيب ،، كمان مرة ،،

يبقا إحنا يا أولاد عندنا كام off switch لل apenustic center ؟؟؟

اتنين

الروعة ،، مش إن عندنا اتنين يوقفوا المجنون

الروعة إنيهم من إتجاهين مختلفين ،، واحد من فوق وواحد من تحت

قولي ليه ؟؟؟

إنت عارف لو واحد لا قدر الله ،، جاتله إصابة في دماغه

الي هيبوظ النيمو تاكسيك فوق ،، بس لسه عنده تحت

الأثنين vagus سَلَام بتوع ال Hering وال Beruer reflex

يوقفوا المجنون

لا قدر الله ،،

واحد تاني في يوم من الأيام جاتله إصابة قطعته ال both vagus ،، يمين وشمال

مش مهم ،، الفوق موجود

هاتولي واحد بقا نفترض ،،

جاتله إصابة ضربته النيمو تاكسيك والأثنين vagus

دا يموت بقا ويريحنا ،، متعقدونيش صعبة ☹

مش جنب بعض ،، دا واحد فوق وواحد تحت

الي فاهم الشرح ،، تفتكر مين في الأثنين إنت معتمد عليه دائماً ؟؟؟

النيموتاكسيك

لأن ده الي بيشتغل على نص لتر

أنا لسه قايل ال Hering, Breuer reflex لما الرئة بيكون فيها لتر هواء

اكتبوا بالعربي جنبهم تحت لو سمحتوا،

جنب النيموتاكسيك الأساسي

جنب ال Hering Breuer reflex الإضافي

يشتغل معاك لو خدي أكثر من نص لتر

لا قدر الله، لو دخل هواء وفلت من النيموتاكسيك

ال Hering Breuer reflex يظبط الموضوع

طيب،

تعالوا بقا يا عم نجاوب السؤال في دقيقتين،

إزاي بيحصل نفس؟؟ إزاي بتنفس بقا؟؟؟

تفتكروا لو أنا عندي جهاز (الجهاز التنفسي ده جهاز ليه زرارين on and off)

عايز تشغل الجهاز هتدوس على زرار مين؟؟؟

ال on

يبقا أول خطوة في إجابة السؤال،، هنشغل ال on

مين ال On بتاعك؟؟؟

ال apneustic center

يبقا مرة واحد هنشغل ال apneustic

الي لما بيشتغل بينشط ال dorsal respiratory group بتاعت ال normal inspiration

ودبور زن على خراب عشه

دا ال apneustic،،

أل كمان بينشط النيموتاكسيك الي فوقه

عشان يرجع بعد كده يوقفه !!

دبور زن على خراب عشه

يبقا أول خطوة افتكر في الإمتحان

إن عندي جهاز عايز أشغله،، يبقا أدوس على ال on

الأول ال apneustic هيشغل

راح مشغل ال dorsal respiratory group تحت في ال medulla

وراح مشغل النيموتاكسيك سنتر فوق في ال pons

أدي أول خطوة في الإجابة

ثاني خطوة في الإجابة،،

ال dorsal لما بيشتغل بيعملك ال normal inspiration

حد فاكروا من أول حصة respiration

إزاي بيحصل الشهيق؟؟ الميكانيكية بتاعته؟؟ Mechanism of respiration؟؟

أربع خطوات من بره لجوا

- أول حاجة كان ال chest بيوسع
- يقوم ال Lung يحصل فيها distention
- ولما الرئة توسع الضغط جواها يقل ،، كان يبقى سالب واحد
- يقوم الهواء يدخل

إنت عارف ال paragraph اللي قولتوه ده ،، هتكتبوه ضمن إجابة السؤال

يبقا جنب مرة اتنين ارجع لأول صفحات في ال respiration

لازم تكتبها من هناك

سعادتك سحبت الهواء كده خلاص ،،

الخطوة اللي بعد كده في الإجابة ،، وقف المجنون ،، وقف الشهيق

فيه عندك اتنين يوقفوا المجنون

مين من فوق؟؟؟

النيموتاكسيك سنتر

ومين من تحت؟؟؟

ال vagus

اللي هو إسمه إيه ال reflex؟؟؟

Hering and Beruer reflex

تخليوا يا أولاد دلوقتي ،، أنا وقفت الشهيق خلاص

الرئة بتاعتنا بالونة مليانة هواء ،، مفتوحة على الشارع

يحصلها إيه؟؟؟

تفضي

كانت العملية بتاعت تفضي دي ،، active ولا passive؟؟؟

مكتوب عندكم إن الخطوة اللي بعد كده الهواء بيخرج Passive

فاكر الأربع خطوات من برا لجوا

كان ال chest wall بضيق

ال lung تصغر ،،

اسمها إيه تصغر؟؟؟

recoil

اللي بيصغر الضغط جواه؟؟؟

بيزيد

كان يبقا؟؟؟

موجب واحد

الهواء يطلع بره

اكتب لي لو سمحت جنب الخطوة الرابعة تحت ،، refer to page four ،، أول صفحات ال respiration

عمر ما كان الموضوع صعب ،،

قبل ما نقول التجارب ،، نشوف حاجة كده ونشوف رأيكم فيها
تفتكر لو أنا عندي عربية ،، ليها فرامل أمامية وفرامل خلفية
يعني فيه فرامل على العجل الأمامي وفرامل على العجل الخلفي

تفتكر لو أنا قطعت نفس الفرامل ،، العربية دي تقف ولا متقفش؟؟؟

تقف

بس بعد شوية ،،

العربية تسحب شوية لأدام قبل ما تقف منك كل مرة

صح كده ☺

طيب ،،

المجنون بتاعي ال apneustic center

عليه فرامل من أدام

إسمها إيه الفرامل اللي من أدام؟؟؟

النيموتاكسيك

وفرامل من تحت؟؟؟

ال vagus

لو شلت نص الفرامل سواءاً دا أو ده ،، النفس هيوقف بردو

بس بعد شوية ،،

يعني النفس بقا deep

ولما كل نفس يبقا deep كده ويأخذ وقت ،، عدد مرات التنفس هتقل

يبقا النفس شكله هيبقا deep and slow

يبقا إحنا يا أولاد لو قطعنا نص الفرامل مع المجنون ،، النفس هيبقا شكله إيه؟؟؟

deep and slow

طيب ،،

نتوكل على الله ،،

الكلب الأول هنقطع في دماغه عند ال upper pons

مهم أوووي تكون عارف مكان القطع فين

لأن الأسئلة بيتيجي ممكن تقولك مكان القطع فين زي ما هقولكم إن شاء الله

الطالب بقا أحياناً يجي في دماغه خيالات

يقولك إيه؟؟؟

هقطع أنا عند ال upper pons

يعني أعمل إيه؟؟؟

يعني الحتة الفوقانية من دماغ الكلب نقطعها ☺ ارميها للقطط ولا ارميها في الشارع

محصلش يا أولاد ،،

معنى التجربة ،، إني بجيب مشروط رفيع كده ،، بعمل عملية للكلب

أخش ،، افتح ال skull ،، أقطع كده بالعرض جوا ال upper pons

وأروح حاططه بقية مخه عادي وبقية ال skull أقفلها وأقومه من البنج بعديها عادي خالص

تفتكر إيه اللي يحصل في نفس الكلب في التجربة دي ؟؟؟
ولا حاجة ،،

برافوا عليكم ،، إنتوا قاطعين فوق ال pons
وكل مراكز التنفس تحت ،، كلهم شغالين عادي زي الفل

نقول ثاني ،، تجربة ممرة واحد

حصل إيه في النفس ؟؟؟

ولا حاجة

ما هو دائماً اللي فوق القطع هو اللي هيتغلي ،،
طيب

أقولك : للمعلومات العامة ،،

الحاجة الوحيدة اللي بتحصل في الكلب ده إيه ؟؟؟

يبطل يهو هو

لأن هو ده ال voluntary control على ال respiration

هيبطل يتكلم هو هو يعني

طيب ،،

بص التجربة الثانية ،،

وكلب جديد ،، هنقطع في ال Mid pons

يعني كأنك لغيت اللي فوق ده بس

يبقا نفس الكلب ده هيبقا إيه علطول ؟؟؟

deep and slow

مكتوب عندكم رقم اتنين ،، بقا deep and slow

لو قطعنا في ال mid pons

طيب ،،

التجربة الثالثة والكلب الثالث (كلب جديد) إيه رأيك لو قطعنا ال both vagi للكلب

أيوه هي هي ،، ما إنت شيلت نص الفرامل بردو

بقا النفس بردو deep and slow

مكتوب عندكم ممرة ثلاثة ،،

deep and slow

طيب ،،

إيه رأيك التجربة الرابعة لو جينا كلب جديد عملنا فيه زي اللي عملناه في التجربة الثانية والثالثة مجتمعين

يعني قطعنا في ال Mid pons ،، كده لغينا مين ؟؟؟ لينموتاكسيك

وقطعنا ال both vagi

تفتكر الكلب ده هيقع تحت رحمة مين يعني ؟؟؟

تحت ال apneustic center

برافوا عليكم ،
مكتوب عندكم رقم أربعة ، لو عملت العملية اتنين وتلاتة ، الكلب ده هيموت
مكتوب يحصله يا apneusis
يا apneustic breathing تقريباً على ما سمعت

هو إيه الفرق يا أولاد في التعبيرين ؟؟؟
الأتنين هيموت الكلب ، بس إيه الفرق ؟؟؟
كلمة apneusis معناها إن الكلب بيخش في شهيق مستمر حتى
لغاية ما يقطع النفس ويموت

أومال إيه ال apneustic breathing اللي تحتها اللي مش عارف اسمعها ؟؟؟
يقولك الكلب ده عنده بعض المحاولات الفاشلة لل inspiration
بس بردو هيموت
يعني إيه ؟؟؟
بيحاول ، بيحاول ، بس فاشلة بردو
وبردو هيموت
دا الفرق ما بين التعبير بتاع ال apneusis و apneustic breathing
فيه محاولات فاشلة بس بردو هيموت

التجربة الخامسة ، كلب جديد ، قطعنا في دماغه عند ال Upper medulla
لما نقطع عند ال Upper medulla
رجعت ربما لعادتها القديمة
رجع القلب شغال ببتوع ال medulla بس
الي هو كان ميزة وعييين

كان شكل النفس إيه ؟؟؟
rhythmic
بس كان فيه عييين إنه إيه ؟؟؟
irregular and slow

أنا حكيتلك إنه شغال بنظام الرامب
هما لوحدهم شغالين بنظام الرامب ، ويخلوا النفس غير منتظم و slow

التجربة السادسة ، إيه رأيك لو الكلب السادس ، دا كلب جديد ، قطعنا عنده عند ال lower medulla
هيموت

ليه ؟؟؟
إنت كده لغيت ليه كل مراكز النفس ،
دا مات ، حد عنده إعتراض !! دا أكيد مات

كل مراكز التنفس فوق ، مش واصلين بحاجة تحت
مكتوب عندكم respiratory failure ودي التجربة السادسة وقبل الأخيرة
السابعة صعبة عليكم وأنا اللي هحكياها

التجربة السابعة ،، لو أنا جبت الكلب السابع ،، وجيت روجت قاطع في ال lower cervical region

فيه طالب مش فاهم يعني إيه ال Lower cervical region
يعني يا بابا ،، الكلب جنبنا مشروط صغير كده وروحنا داخلين في قفا الكلب
وقاطعين عند العضمية البارزة عند T7 تقريباً
عملية تأخذ منا خمس دقائق في الكلب

يعني مش هنجش الكلب بالعرض بالسكينة
أصل فيه ناس بتفهم الموضوع غلط
إحنا داخلين عاملين قطع في رقبته 2 سم بالطبط
في الحتة البارزة من قفاه في ال vertebral column
عند ال spinal cord وأروح قاطع قطع صغير

الغريب العجيب ،،
إن الكلب ده هيعيش !!!!

يعيش إزاي !!!
اسمع ،، إنت قالولك في ال anatomy
ال Phrenic nerve بتاع ال diaphragm

طالع منين ???

3 و 4 و 5

C_{3,4,5}

cervical ثلاثة وأربعة وخمسة دول على بعض طالع منهم ال Phrenic nerve
اللي رايح يشغل ال diaphragm
كده إنت مقطعتوش يا بابا

أقولك حاجة ،،
على حسب القطع اللي أنا عملته في آخر تجربة
C_{3,4,5}
دول فوق القطع ،، مازالوا متصلين بكل مراكز النفس اللي فوق
ال Phrenic شغال

كمان مرة ،،
القطع تحت خالص في الرقبة
ال Phrenic بدايته من فوق شوية في الرقبة
يبقا ال Phrenic nerve ما زال متصل بكل المراكز بتاعت ال medulla وكل المراكز بتاعت ال pons
كلهم متوصلين معاه عادي وبيشغلوه
وال nerve يروح يشغل ال diaphragm للكلب ده

الكلب ده هيعيش بال diaphragm
مكتوب عندكم diaphragmatic breathing

أقولك حاجة ،،

متستغربوش دا في البني آدم الكلام ده موجود ، حد سمع عن Christopher Reeve ؟؟؟
 بطل فيلم سوبر مان ، كان الراجل بتاع فيلم سوبر مان القديم ، طول بعرض ما شاء الله
 الناس قرت عليه ، وقع من على الحصان
 لما وقع من على الحصان اتقطع ليه ال spinal cord في رقبته في الحنطة اللي تحت خالص دي
 إيديه ورجليه مشلولين ، قعد 6 سنين على الحال ده قبل ما يموت وعاش
 عايش !!!

أه بال phrenic nerve ، ال dipharagm شغال معاه ودا أهم عضلة في ال Inspiration
 قعد 6 سنين عايش
 مات من حاجة تانية في الآخر
 بيقا ممكن يعيش

آخر حاجة بسرعة ،
 أنا هقول النتيجة وإنت تقولي مكان القطع فين ، نلعبها بالعكس وننهى الموضوع إن شاء الله
 الأول نفتكر ،

العملية رقم واحد القطع فين ؟؟؟

في ال Upper pons

رقم اتنين ؟؟؟

Mid pons

خمسة ؟؟

upper medulla

سته ؟؟

lower medulla

وسبعة ؟؟؟

تحت خالص ، lower cervical region

سهلة خالص إن شاء الله

؟؟؟ rhythmic, irregular and slow

upper medulla عندها القطع

؟؟ respiratory failure

lower medulla

؟؟？ diaphragmatic breathing

Lower cervical region

؟؟？ deep and slow

عندك إحتمالين ،

يا mid pons يا both vagi

أومال لو قطعت mid pons و both vagi يحصله إيه ؟؟

apneusis يا الكلمة الثانية اللي مكتتش عارف أسمعها

لله الحمد والمنة والثناء الحسن

تم الإنتهاء من تفريغ المحاضرة السادسة في ال **respiration** للدكتور ناجي
ويا رب تفيدكم

دلوقتي الساعة 11 و 49 دقيقة مساءً

يوم الأربعاء الموافق 10 أبريل 2013

لمزيد من المواد المفرغة

على الفيس بوك

صفحة تفريغ المواد الطبية

 /dr.tafreegh

www.facebook.com/dr.tafreegh

نحبكم في الله

إذا عجبك أي شيء متفرغ تابع لصفحة أو جروب

تفريغ المواد الطبية

وحبيت حضرتك تنقله اتفضل

بذكر المصدر أو بدون

المهم إن المعلومة توصل لغيرك

واحتسب إنك بتوصل معلومة لغيرك

وإن شاء الله لك من الأجر الكثير بإذن الله

ويكون في خدمة الإسلام

ويكون سبب في علاج مريض باختلاف اسمه أو جنسه أو دينه

اللهم اجعل عملنا خالصاً لوجهك الكريم

اللهم آمين

سلام بقا ☺